

09.03 MARELLA

La Péra

Il runal a Campliun dadens Trun è in dals pli pitschens territoris da skis tranter tut ils gronds. In runal da 740 meters, ina ustaria e finì.



Persuenter capita uschiglio ina pluna en la Péra. La fantasia per crear novas pistas è gronda. Davent da pistas da morts, da zombies e da spiert - datti era quellas da muffins e pettas. Uffants pon ir qua cun skis tut persuls, ed ils emploiadis fan schizunt viadis da pliras uras per lavurar en quest territori da skis. Sisum spetgan las vatgas e sutvart il café Refugi. «La Marella» è stada là durant in entir di ed è sa scuntrada cun pitschens e gronds. Insaco paran tuts dad avair ina gronda simpatia per lur Péra.

Redacziun: Esther Berther